



АКАФИСТ
АГАПИТУ ПЕЧЕРСКОМУ

КОНДАК 1.

ИЗБРАННЫЙ УЧЕНИЧЕ ВЕЛИКАГО УЧИТЕЛЯ,
ПРЕПОДОБНАГО И БОГОНОСНАГО ОТЦА НАШЕГО
АНТОНИЯ, И ДИВНЫЙ ПОДРАЖАТЕЛЮ ЖИТИЯ ЕГО
СВЯТАГО, СВЯТЕ ОТЧЕ АГАПИТЕ, ПЕСНИЮ ВОСХВАЛИМ ТЯ
С ЛЮБОВИЮ, ЗАСТУПНИКА НАШЕГО;
ТЫ ЖЕ, ЯКО ИМЕЯЙ ДЕРЗНОВЕНИЕ КО ГОСПОДУ,
МОЛИСЯ ВИНУ О СПАСЕНИИ НАС, ГРЕШНЫХ, ОТ ВСЯКИХ
БЕД ИЗБАВЛЯЯ ЗОВУЩИХ ТИ:
РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

ИКОС 1.

АНГЕЛОВ ЛЮБЕЗНУЮ ЧИСТОТУ ОТ ЮНОСТИ ТВОЕЯ
ВОЗЛЮБИВ, БЛАЖЕННЕ АГАПИТЕ, К ДОБРОДЕТЕЛЕЙ
ПОДВИЖНИКУ, ПРЕПОДОБНОМУ АНТонию ПРИТЕКЛ ЕСИ
И, ОТ НЕГО ВО ИНОЧЕСТВО ОБЛЕЧЕННЫЙ, ПОДРАЖАТЕЛЬ
РЕВНОСТНЫЙ ПОДВИГОВ ЕГО БЫЛ ЕСИ;
ТЕМЖЕ СЛАВИМ ТЯ ВОЗЗВАНИИ СИМИ:
РАДУЙСЯ, БОГОНОСНАГО АНТОНИЯ ДОБРОДЕТЕЛЕЙ И
ДАРОВ НАСЛЕДНИЧЕ;
РАДУЙСЯ, НА ВЫСОТУ СОВЕРШЕНСТВА ДУХОВНАГО
ВОЗШЕДЫЙ.
РАДУЙСЯ, МОЛИТВАМИ УСЕРДНЫМИ ДАР ВРАЧЕВАНИЯ И
ЧУДОТВОРЕНИЯ ОТ ГОСПОДА ПОЛУЧИВЫЙ;
РАДУЙСЯ, ИЗ ГЛУБИНЫ ДУШИ ВОЗДЫХАНЫМИ ЧИСТОТУ
ДУШЕВНУЮ СТЯЖАВЫЙ.
РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 2.

ВИДЕВ ВСЕВИДЕЦ ГОСПОДЬ БЛАГОЕ ДУШИ ТВОЕЯ
ИЗВОЛЕНИЕ, БЛАЖЕННЕ АГАПИТЕ, ЕЖЕ ПОРАБОТАТИ ЕМУ
БЕЗЛЕНОСТНО, ВНУШИ ПРЕПОДОБНОМУ АНТОНИО
БЛАГОСЛОВИТИ ТЯ НА ЖЕСТОКОЕ В ПЕЩЕРНОМ ЗАТВОРЕ
ЖИТИЕ.

ТЫ ЖЕ, БЛАГОСЛОВЕНИЕ СВЯТОЕ С ВЕРОЮ ПРИЕМ, В
ПЕЩЕРЕ ПОКОЙ ВЕЧНЫЙ ОБРЕЛ ЕСИ,
ЕДИНОМУ БОГУ РАБОТАЯ В ПЕНИЯХ, БДЕНИЯХ И
ПОЩЕНИЯХ, НЕМОЛЧНО ВОСПЕВАЯ ЕМУ: АЛЛИЛУИА.

ИКОС 2.

РАЗУМЕВ ПРЕПОДОБНЫЙ АНТОНИЙ ПРОИЗВОЛЕНИЕ
БОЖИЕ ВОЗСИЯТИ В СЕМ ИНОЦЕ ВЕЛМИ БЛАГОУГОДНЫМ
НАЧИНАНИЕМ И ДУШЕСПАСИТЕЛЬНЫМ НАМЕРЕНИЕМ,
ИЗОБИЛЬНО НАСЫТИЛ ДУХОВНОЮ СЛАДОСТИЮ И В
ДОБРОДЕТЕЛЕХ УКРЕПИЛ ЕСИ, СЕГО РАДИ ВОПИЕМ ЕМУ
ТАКОВАЯ:

РАДУЙСЯ, ПРЕПОДОБНАГО АНТОНИЯ НРАВЫ СЕБЕ
УСВОИВЫЙ;

РАДУЙСЯ, ТОГО ЖИТИЮ УСЕРДНО ПОРЕВНОВАВЫЙ.

РАДУЙСЯ, СЫНОВНЮ ЛЮБОВЬ К НЕМУ СТЯЖАВЫЙ;

РАДУЙСЯ, И ОТ НЕГО ЗЕЛО ВОЗЛЮБЛЕННЫЙ.

РАДУЙСЯ, САМОВИДЧЕ ЕГО ПОДВИГОВ;

РАДУЙСЯ, ВО ВРАЧЕВАНИИ НЕДУГОВ ЕМУ

СПОСПЕШЕСТВУЮЩИЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 3.

СИЛОЮ БОЖИЕЮ УКРЕПЛЯЕМЫЙ, СВЯТЕ АГАПИТЕ,
ВЕЛИКИЯ ИНОЧЕСКИЯ ТРУДЫ ПОДЪЯЛ ЕСИ;
СЕГО РАДИ БЛАГОСЛОВИСЯ ДЕЛО РУКУ ТВОЕЮ ВО СЛАВУ
ИМЕНИ ГОСПОДНЯ НА СПАСЕНИЕ И ВРАЧЕВАНИЕ ВСЕХ,
С ВЕРОЮ И НАДЕЖДОЮ К ТЕБЕ ПРИТЕКАЮЩИХ И
НЕЛЕНОСТНО ВОЗНОСЯЩИХ ПЕСНЬ ПРЕСВЯТЕЙ ТРОИЦЕ:
АЛЛИЛУИА.

ИКОС 3.

ИМЕЯ ПОМЫСЛ ЧИСТ И НЕПОРОЧНУ СОВЕСТЬ И ПАМЯТУЯ
РЕКШАГО: «БОЛЕН БЕХ, И ПОСЕТИТЕ МЕНЕ... ПОНЕЖЕ
СОТВОРИТЕ ЕДИНУМУ СИХ БРАТИЙ МОИХ МЕНШИХ, МНЕ
СОТВОРИТЕ», НЕДУГУЮЩИХ ИНОКОВ ПОД СВОЙ ПОКРОВ
ОТЕЧЕСКИ ПРИЕМАЯ, ЯКОЖЕ РОДИТЕЛИ ЧАДА СВОЯ,
УТЕШАЛ ЕСИ, ОТРАДУ СВОИМ ПОПЕЧЕНИЕМ ПОДАЮЩЕ И
ОТЕЧЕСКОЮ ЛАСКОЮ ТЯЖЕСТЬ БОЛЕЗНИ ОБЛЕГЧАЮЩЕ,
МОЛИТВОЮ С ОДРА БОЛЕЗНИ ВОЗДВИЗАЛ ЕСИ.
СЕГО РАДИ ПРИИМИ ОТ НАС БЛАГОХВАЛЕНИЯ ТАКОВАЯ:
РАДУЙСЯ, В ДОБРОДЕТЕЛЕХ БЛАГОИСКУСНЫЙ
ПОДВИЖНИЧЕ;
РАДУЙСЯ, ВО ХРИСТЕ ВСЮ БРАТИЮ МОНАШЕСКУЮ
ВОЗЛЮБИВЫЙ.
РАДУЙСЯ, НЕДУЖНЫХ ИНОКОВ СМИРЕННЫЙ И
НЕУСЫПНЫЙ СЛУЖИТЕЛЮ;
РАДУЙСЯ, ЗА ПОДВИГИ ВРЕМЕННОГО ЖИТИЯ ПОКОЙ
ВЕЧНЫЙ ОБРЕТШИЙ.
РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 4.

БУРЮ МНОГОМЯТЭЖНАГО ЖИТЭЙСКАГО МОРЯ БЕЗБЕДНО
ПРОШЭЛ ЕСІ, БЛАЖЭННЕ, И В ПРИСТАНЬ БЕЗСТРАСТІЯ
ДОСТІГЛ ЕСІ, ОКОРМЛЯЕМЬ ЗАПОВЕДЬМИ ХРИСТА БОГА,
ЯЖЕ БЫША СВЕТИЛЬНИК НОГАМА ТВОЙМА И СВЭТ
СТЕЗЯМ ТВОЙМ.

ТЭМЖЕ НЫНЕ В ГОРНИХ ОБИТЕЛЕХ ВОДВОРЯЕШИЯ,
СЛАДЦЕ ПОЯ ТРИЕДИНОМУ БОГУ: АЛЛИЛУІА.

ЎКОС 4.

СЛЫШАВШЕ МНОЗИ О БЛАГОУГОДНОМ ЖИТИИ ТВОЕМ,
БЛАЖЭННЕ АГАПИТЕ, ПРИХОЖДАХУ К ТЕБЭ:

ЌВИ ПОСЛУШАТИ ПОУЧЭНИИ ТВОИХ,

ЌВИ ИСЦЕЛЭНИИ ОТ РАЗЛИЧНЫХ НЕДУГОВ ПРИЯТИ;

ЎХЖЕ ТЫ, С ОТЭЧЕСКОЮ ЛЮБОВИЮ ПРИЕМЛЯ,

РУКОВОДСТВОВАЛ ЕСІ КО СПАСЭНИЮ, ОТГОНЯЯ ВСЯК
НЕДУТ И ВСЯКУ НЕМОЩЬ.

СЕГО РАДИ И МЫ ПРИБЕГАЕМ К ТЕБЭ, ВЕЛИКОМУ

ПОМОЩНИКУ И ЦЕЛИТЕЛЮ, СЛАВЯЩЕ ТЯ СИЦЕ:

РАДУЙСЯ, БЕЗМОЛВИЯ ЛЮБИТЕЛЮ, ОБИТЕЛЬ ПЕЧЕРСКУЮ

ПОДВИГИ СВОИМИ УКРАСИВИИ;

РАДУЙСЯ, СПАСЭНИЯ МНОГИХ ДУШ ЧЕЛОВЭЧЕСКИХ
ВИНОВНИЧЕ.

РАДУЙСЯ, БОЛЕЗНУЮЩИХ ГРЕХМИ ВРАЧУ

БЛАГОИСКУСНИИ;

РАДУЙСЯ, ВОИНЕ ХРИСТОВ, ПОЛКИ НЕВИДИМЫХ ВРАГОВ
ПОВЕДИВИИ.

РАДУЙСЯ, БЛИЖНИА ТВОЯ ИСКРЕННЕ ВОЗЛЮБИВИИ;

РАДУЙСЯ, СПАСЭНИЮ ЎХ ДУШЭВНОМУ И ИСЦЕЛЭНИЮ

ТЕЛЭСНОМУ УСЭРДНО ПОСЛУЖИВИИ.

РАДУЙСЯ, АГАПИТЕ, ДУШЭВНЫХ И ТЕЛЭСНЫХ НЕДУГОВ
СКОРЫИ ЦЕЛИТЕЛЮ.

КОНДАК 5.

БОГОТЭЧНОЕ СВЕТИЛО БЫВ, УГОДНИЧЕ БОЖИЙ, ВСЕХ К СОЛНЦУ ПРАВДЫ – ХРИСТУ ПУТЕВОДИЛ ЕСИ ПРИМЕРОМ ЖИТИЯ ТВОЕГО СВЯТАГО, ИЖЕ ВСЕ БЫСТЬ ПОСВЯЩЕНО НА СЛУЖЕНИЕ БОГУ И БЛИЖНИМ ТВОИМ.

НИЩИЯ И УБОГИЯ МИЛОСТИВНО ПИТАЛ ЕСИ, ТЕМЖЕ БЛАЖЕНСТВО МИЛОСТИВЫХ УНАСЛЕДОВАЛ ЕСИ И СО СВЯТЫМИ ПОЕШИ ВЕЧНО ХВАЛЕБНУЮ ПЕСНЬ: АЛЛИЛУИА

ИКОС 5.

ВИДИМ ТЯ, БЛАЖЕННЕ ОТЧЕ АГАПИТЕ, ДОСТИГШАГО В МЕРУ МУЖА СОВЕРШЕННА О ХРИСТЕ И ПРЕИСПОЛНЕННА ДАРОВАНИЙ БОЖЕСТВЕННЫХ, В ЕВАНГЕЛИИ ХРИСТОВЕ ОБЕТОВАННЫХ ВЕРНЫМ ПОСЛЕДОВАТЕЛЕМ БОГА СЛОВА. ТЕМЖЕ, ЧУДЯЩЕСЯ ТВОИМ ПОДВИГОМ, ПОЕМ ТИ ХВАЛЕБНО:

РАДУЙСЯ, В ГЛУБИНЕ СЕРДЦА БИСЕР ДРАГИЙ – ГОСПОДА ИИСУСА ХРИСТА – ОБРЕТЫЙ;

РАДУЙСЯ, ИМЯ ЕГО БОЖЕСТВЕННОЕ ВО УСТЕХ И В СЕРДЦЕ СВОЕМ ВИНУ ИМЕВЫЙ.

РАДУЙСЯ, НА ЗЕМЛЕ АЛКАВЫЙ И ЖАЖДАВЫЙ, НЫНЕ ЖЕ НЕТЛЕННЫЯ ПИЩИ НА НЕБЕСИ НАСЫЩАЯСЯ;

РАДУЙСЯ, НИЩЕТУ ХРАНИВЫЙ, НИЩИХ ОТ ГЛАДА ИЗБАВЛЯЯЙ.

РАДУЙСЯ, ИГО ХРИСТОВО БЛАГОЕ И ЛЕГКОЕ ИСКРЕННЕ ВОЗЛЮБИВЫЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ СКОРЫЙ ЦЕЛИТЕЛЮ.

КОНДАК 6.

ПРОПОВЕДНИК БЫВ ЖИТИЕМ ТВОИМ ЕВАНГЕЛЬСКИХ
ДОБРОДЕТЕЛЕЙ, ОТЧЕ БЛАЖЕННЕ, ПЛОТЬ ТВОЮ ПОСТОМ
И МОЛИТВОЮ ПОРАБОТИЛ ЕСИ И ВО СЛАВУ БОЖИЮ
ПОЖИЛ ЕСИ;

ЛУЧАМИ СВОИХ ПОДВИГОВ ВСЕЗЛОБНАГО ВРАГА,
АРМЯНИНА НЕЧЕСТИВАГО, ЗАВИСТИЮ И ГНЕВОМ
ПАЛЫМАГО И СВОИМИ ЗЛОСТНЫМИ УХИЩРЕНЬМИ
ВЕСЕЛЯЩАСЯ, НЕ ТОКМО ПОСРАМИЛ ЕСИ, НО И К СВЕТУ
ХРИСТОВОЙ ИСТИНЫ ПРИВЕЛ ЕСИ, ПОУЧАЯ ЗА ВСЕ
БЛАГОДАРИТИ И СЛAVOCЛОВИТИ ГОСПОДА, ПОЯ ЕМУ:
АЛЛИЛУИА.

ИКОС 6.

ВОСИАЯВ В ПЕЩЕРЕ СВЯТЫЯ ОБИТЕЛИ СΙΑ, ЯКО
БОГОНОСНОЕ СВЕТИЛО, БЛАЖЕННЕ АГАПИТЕ, СВЕТОМ
ДОБРЫХ ДЕЛ И ВРАЧЕВАНИЙ УМИЛИЛ ЕСИ ДУШИ И
СЕРДЦА ЧЕЛОВЕКОВ, А НЕЧЕСТИВАГО ВРАЧА И
ЗАВИСТНИКА И ЕГО БЕЗСТУДНОЕ БЕЗУМИЕ ПОСРАМИЛ
ЕСИ.

ТЕМ УБО ТЕБЕ, СВЯТОМУ И БЛАЖЕННОМУ УГОДНИКУ,
УМИЛЬНО ЗОВЕМ:

РАДУЙСЯ, ВРАЧЕВАНИЕ НЕЧЕСТИВАГО АРМЯНИНА
ПОСРАМИВЫЙ;

РАДУЙСЯ, ОБРЕЧЕННАГО НА СМЕРТЬ ТЕМ ЖЕ АРМЯНИНОМ
НЕДУГУЮЩАГО СО ОДРА БОЛЕЗНИ ВОЗДВИГНУВЫЙ.

РАДУЙСЯ, ОСУЖДЕННАГО НА СМЕРТЬ И НАПОЕННАГО
СМЕРТНЫМ ЯДОМ ЧУДЕСНО ИСЦЕЛИВЫЙ И ОТ СМЕРТИ
ИЗБАВИВЫЙ;

РАДУЙСЯ, ИСПИВЫЙ СМЕРТНЫЙ ЯД ОТ ВРАГА И, ПО СЛОВУ
ГОСПОДНЮ: «АЩЕ ЧТО И СМЕРТНО ИСПИЮТ, НЕ ВРЕДИТ
ИХ», – ЖИВОТ НЕВРЕДИМЫЙ СОХРАНИВЫЙ.

РАДУЙСЯ, ЗЛОБУ И КОВАРСТВО ВРАГОВ СВОИХ
ПОСРАМИВЫЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 7.

ХОТЕНИЕ ЕДИНОЕ ИМЕЛ ЕСИ, БЛАЖЕННЕ ОТЧЕ, ЕЖЕ БОГУ
УГОЖДАТИ И СПАСЕНИЮ ДУШЕВНОМУ И ЗДРАВЬЮ
ТЕЛЕСНОМУ БЛИЖНИХ ТВОИХ БЛАГОЧЕСТНО СЛУЖИТИ.
ТЕМЖЕ КЕЛЛИА ТВОЯ ПЕЩЕРНАЯ БЫСТЬ ВРАЧЕБНИЦА
БЛАГООТИШНАЯ ВСЯКОМУ ЧЕЛОВЕКУ – НИЩЕМУ И
БОГАТОМУ, КНЯЗЮ И УБОГОМУ.

ТЫ ЖЕ, ЕДИНОЕ В СЕРДЦЕ ИМЕЯ: «ВСЕМ БЫХ ВСЯ»,
ВРАЧЕВАЛ ЕСИ, НЕ ВЗИРАЯ НА ЛИЦА, ПРИЗЫВАЯ ВСЕХ
ВКУПЕ СЕРДЦЕМ И УСТЫ НЕМОЛЧНО ВОЗГЛАШАТИ БОГУ:
АЛЛИЛУИА.

ИКОС 7.

НОВАГО ТЯ ЧУДОТВОРЦА ВЕЛИКАГО ПОЗНА СЛАВНЫЙ
КНЯЗЬ ВЛАДИМИР МОНОМАХ, НА ОДРЕ БОЛЕЗНИ
ВОЗЛЕЖА, ПРЕБЫВАЯ ПРИ КОНЧИНЕ СВОЕЙ, СЛЕЗНО
МОЛИЛ ЕСИ ТЯ ПРИТЕЩИ И ИСЦЕЛИТИ ЕГО.

НО ТЫ, МОНАШЕСКИЙ ОБЕТ СОБЛЮДАЯ – НИКОЛИЖЕ
СТЕН ОБИТЕЛИ ОСТАВЛЯТИ, ПОСЛАЛ ЕСИ ЗЕЛИЕ ОТ
ТРАПЕЗЫ СВОЕЯ, И КНЯЗЬ, ВКУСИВ ЕГО, ЗДРАВ ВОСТАША.

ТАКОВОЙ СИЛЕ ТВОЕГО ЧУДОТВОРЕНИЯ И
НЕЛИЦЕПРИЯТИЯ ДИВЯЩЕСЯ, ВОПИЕМ ТИ ХВАЛЕБНО:
РАДУЙСЯ, КРИНЕ ПЕЩЕРНАГО ПРОЗЯБЕНИЯ;
РАДУЙСЯ, МИРА ХРИСТОВА БЛАГОУХАНИЕ.

РАДУЙСЯ, НЕ СКРЫВЫЙ ТАЛАНТ ВРАЧЕВАНИЯ, ТЕБЕ
ДОМОВЛАДЫКОЮ ВРУЧЕННЫЙ;

РАДУЙСЯ, РАДИ СИЛЬНЫХ МИРА СЕГО ОБЕТА ИНОЧЕСКАГО
НЕ НАРУШИВЫЙ.

РАДУЙСЯ, СЛАВЫ РАДИ ВЫШНЯГО ЗВАНИЯ СЛАВУ
ЧЕЛОВЕЧЕСКУЮ НИ ВО ЧТОЖЕ ВМЕНИВЫЙ;

РАДУЙСЯ, ВЕЛИКАГО КНЯЗЯ ВЛАДИМИРА МОНОМАХА С
ОДРА СМЕРТНАГО НЕДУГА БЫЛИЕМ, ТОБОЮ
БЛАГОСЛОВЕННЫМ, И МОЛИТВОЮ ПОДЪЯЛ ЕСИ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 8.

СТРАННИКА И ПРИШЕЛЬЦА В МИРЕ СЕМ ПОМЫШЛЯЛ ЕСИ
СЕБЕ БЫТИ, АГАПИТЕ БЛАЖЕННЕ, ТЕМЖЕ О БОГАТСТВЕ
ЗЕМНЕМ ВСЯКОЕ ПОПЕЧЕНИЕ ОТЛОЖИЛ ЕСИ.

ВСЯКОЕ СТЯЖАНИЕ СУЕТНОЕ ВОЗБРАНЯЯ, ПРИХОДЯЩИХ К
ТЕБЕ РАЗДЕЛЯТИ ДОСТОЯНИЕ СВОЕ С НИЩЕЮ БРАТИЕЮ И
В ЕЯ ЛИЦЕ САМОМУ ХРИСТУ СЛУЖИТИ ПОУЧАЛ ЕСИ,
НЕМОЛЧНО ВОСПЕВАЯ ХВАЛЕБНУЮ ПЕСНЬ: АЛЛИЛУИА.

ИКОС 8.

ВЕСЬ В БОЗЕ БЫВ, ОТЧЕ БЛАЖЕННЕ, О БОЗЕ И УТОЖДЕНИИ
ЕМУ ПРИСНО ПОУЧАЛ ЕСИ, УМОЛЯЯ НИЧТОЖЕ
ПРЕДПОЧИТАТИ ПАЧЕ ЛЮБВЕ ХРИСТОВЫ И, ПАМЯТУЯ
РЕЧЕННОЕ ХРИСТОМ: «НЕ СОБИРАЙТЕ СЕБЕ СОКРОВИЩА
НА ЗЕМЛИ, ИДЕЖЕ МОЛЬ И РЖА ИСТРЕБЛЯЮТ, НО
СОБИРАЙТЕ СЕБЕ СОКРОВИЩА НА НЕБЕСИ», – НЕ
ПОЖЕЛАЛ РАДИ БЛАГ ВРЕМЕННЫХ ЛИШИТИСЯ БЛАГ
ВЕЧНЫХ, ОТВЕРГАЛ ЕСИ ВСЯ ДАРЫ, ТЕБЕ КНЯЗЕМ
ПРИНОСИМЫЯ, ПОУЧАЯ РАЗДАВАТИ ИХ НИЩЕЙ БРАТИИ И
УБОГИМ.

ТЕМЖЕ И МЫ, ТАКОВОЕ ТВОЕ НИЩЕЛЮБИЕ ВОСХВАЛЯЯ,
ЗОВЕМ ТИ СИЦЕ:

РАДУЙСЯ, БЛАЖЕНСТВО НИЩИХ ДУХОМ УНАСЛЕДОВАВЫЙ;
РАДУЙСЯ, НИЩЕТУ ПАЧЕ БОГАТСТВА ВОЗЛЮБИВЫЙ.

РАДУЙСЯ, МЗДУ ЗА СВОЕ ВРАЧЕВАНИЕ ОТВЕРГИЙ И
РАЗДАТИ Ю НИЩИМ И УБОГИМ ПОВЕЛЕВЫЙ;

РАДУЙСЯ, ПОСЛЕДНИЯ УКРУХИ ХЛЕБА СВОЕГО С
НЕИМУЩИМИ РАЗДЕЛЯТИ ПОУЧАВЫЙ.

РАДУЙСЯ, ЛЮБОВЬ К БОГУ ЛЮБОВИЮ К БЛИЖНИМ СВОИМ
СВИДЕТЕЛЬСТВОВАВЫЙ;

РАДУЙСЯ, ПОХВАЛАМИ МОЛИТВЕННЫМИ ДО ДНЕСЬ В
ОБИТЕЛИ ПЕЧЕРСКОЙ ЗЕЛО ПОЧИТАЕМЫЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 9.

ВСЁМ ПРИХОДИВШИМ В ОБИТЕЛЬ МОЛИТВ И ВРАЧЕВАНИЯ
РАДИ, БЛАЖЕННЕ ОТЧЕ, ДИВНО БЫСТЬ ВИДЕТИ ТЕБЕ,
НИЩЕТНО В КЕЛЛИИ ТВОЕЙ ПРЕБЫВАЮЩАГО, ОБАЧЕ ТЫ,
ВСЕХ РАВНОЮ ЛЮБОВИЮ ПРИЕМЛЯ, КОЕМУЖДО СЛОВО
УТЕШЕНИЯ ИЛИ ИСЦЕЛЕНИЕ ПОДАВАЛ ЕСИ, НАУЧАЯ ПЕТИ
ВИНОВНИКУ ВСЕХ БЛАГИХ БОГУ: АЛЛИЛУИА.

ИКОС 9.

ВИТИЯ МНОГОВЕЩАННЫЯ НЕ ВОЗМОГУТ ДОСТОЙНО
ВОСПЕТИ ПОДВИГИ И ЧУДОТВОРЕНИЯ ТВОЯ, БЛАЖЕННЕ
АГАПИТЕ, МЫ ЖЕ, ТАКОВОМУ ЖИТИЮ ТВОЕМУ ДИВЯЩЕСЯ,
ДЕРЗАЕМ ВЕНЧАТИ ТЕБЕ, АЩЕ И НЕДОСТОЙНИИ,
ПОХВАЛАМИ ТАКОВЫМИ:

РАДУЙСЯ, НА СКРИЖАЛЕХ СЕРДЦА ТВОЕГО ЗАКОН
ХРИСТОВ НАПИСАВЫЙ;

РАДУЙСЯ, ОТ ГЛУБИНЫ СЕРДЕЧНЫЯ ДОБРАЯ И
ДУШЕСПАСИТЕЛЬНАЯ НАСТАВЛЕНИЯ ЧЕЛОВЕКОМ
ИЗНОСИВЫЙ.

РАДУЙСЯ, ПЕЩЕРНЫЙ ГРАЖДАНИНЕ, ГРАДЫ И ВЕСИ
НАПОЛНИВЫЙ СЛАВОЮ ТВОИХ ЧУДОТВОРЕНИЙ;

РАДУЙСЯ, БОГОМ ВОЗЛЮБЛЕННЫЙ И БЛИЖНИМИ
ТВОИМИ БЛАГОСЛОВЛЯЕМЫЙ.

РАДУЙСЯ, ОБРАЗ СОВЕРШЕНСТВА О ХРИСТЕ В СЕБЕ
ЯВИВЫЙ;

РАДУЙСЯ, ИГО ХРИСТОВО, БЛАГОЕ И ЛЕГКОЕ, ИСКРЕННЕ
ВОЗЛЮБИВЫЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 10.

СПАСЕНИЯ НАДЕЖДУ СТЯЖАЛ ЕСИ ПРИ ИСХОДЕ ТВОЁМ, БЛАЖЕННЕ ОТЧЕ АГАПИТЕ, И ЯКО ПШЕНИЦА ЗРЕЛАЯ, ВО ВРЕМЯ ПОЖАТИЯ, КОНЧИНОЮ БЛАГОЮ ПРЕСЕЛИЛСЯ ЕСИ В ДЕНЬ, ТЕБЕ ПРЕЖДЕ УКАЗАННЫЙ ГОСПОДОМ, ВО ОБИТЕЛИ ГОРНИЯ, ПРИЯТИ МЗДУ ОТ РУКИ ПРАВЕДНАГО МЗДОВОЗДАЯТЕЛЯ ХРИСТА, ИЖЕ ВЧИНИ ДУШУ ТВОЮ СО ДУХИ СВЯТЫХ, НЕМОЛЧНО ВОЗГЛАШАЮЩИХ ПРЕД ПРЕСТОЛОМ СЛАВЫ ЕГО ПОБЕДНУЮ ПЕСНЬ: АЛЛИЛУИА.

ИКОС 10.

ЦАРЯ НЕБЕСНАГО ХРИСТА ВЕРНЫЙ РАБ И ПОСЛЕДОВАТЕЛЬ БЫЛ ЕСИ, ОТЧЕ АГАПИТЕ, ТЕМЖЕ ПО НЕЛОЖНОМУ ЕГО ГЛАГОЛУ: «ИДЕЖЕ ЕСМЬ АЗ, ТУ И СЛУГА МОЙ БУДЕТ», МЫ, ЧТУЩЕ ТЯ, ВЕРУЕМ НЕСУМНЕННО, ЯКО ТЫ СО ХРИСТОМ ВО ОБИТЕЛЕХ БЛАЖЕНСТВА ВЕЧНАГО ВОДВОРЯЕШИСЯ И РАДОСТИ НЕТЛЕННЫЯ НАСЛАЖДАЕШИСЯ, ЯКО ИСТИННЫЙ ТОГО УГОДНИК; ОТ НАС ЖЕ СЛЫШИШИ БЛАГОХВАЛЕНИЯ СИЯ: РАДУЙСЯ, ПРЕДСКАЗАНИЯ НЕЧЕСТИВАГО АРМЯНИНА О ТВОЕЙ СМЕРТИ ПОСРАМИВЫЙ; РАДУЙСЯ, О ДНЕ ТВОЕЯ БЛАЖЕННЫЯ КОНЧИНЫ ОТ ГОСПОДА ИЗВЕЩЕННЫЙ. РАДУЙСЯ, ДУШУ ТВОЮ В РУЦЕ ГОСПОДА РАДОСТНО ПРЕДАВЫЙ; РАДУЙСЯ, ОТКРОВЕННЫМ ЛИЦЕМ СЛАВУ ТРИСИЯННАГО БОЖЕСТВА СОЗЕРЦАЯЙ. РАДУЙСЯ, ТЕЛОМ СМЕРТНЫМ В ПЕЩЕРЕ ПОГРЕБЕННЫЙ; РАДУЙСЯ, ДУШЕЮ БЕЗСМЕРТНОЮ К СИОНУ ГОРНЕМУ ВОСПАРИВЫЙ. РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ СКОРЫЙ ЦЕЛИТЕЛЮ.

КОНДАК 11.

ПЕ́НИЕ ПРЕСВЯТѢЙ БОГОРО́ДИЦЕ ПРИНО́СИШИ,
БЛАЖЕ́ННЕ О́ТЧЕ НА́Ш АГА́ПИТЕ, О ОБИ́ТЕЛИ ТВОЕ́Й
СВЯТѢЙ И ПОДВИЗА́ЮЩИХСЯ В НЕ́Й, И О ВСѢ́Х С
ЛЮБОВИ́Ю К ТЕБЕ́ ПРИТЕКА́ЮЩИХ ПРИ́СНО
ХОДА́ТАЙСТВУЕШИ, ПРОСЯ́ МИ́РА СВЫ́ШЕ И
БЛАГОПОСПЕШЕ́НИЯ ВСЕ́М, ВОЗНО́СЯЩИМ
ДОСТОДО́ЛЖНАЯ ПОХВАЛЫ́ ТРИЕДИ́НОМУ БО́ГУ,
ВОСПЕВА́Я ЕМУ́: АЛЛИЛУ́ИА.

ЎКОС 11.

СВЕТИ́ЛЬНИКА ТЯ́ ДО́БРЫХ ДЕ́Л, БЛАЖЕ́ННЕ О́ТЧЕ,
ИСПОВЕ́ДУЕМ БЫ́ТИ И ПРОСЛАВЛЯ́ЕМ ПРОСЛА́ВЛЫШАГО ТЯ́
ГО́СПОДА, Ё́ЖЕ ЧУДЕСЫ́ МНО́ГИМИ МО́ЩИ ТВОЯ́
ОЗНА́МЕНОВА:

СТРУ́Й БО ИСЦЕЛЭ́НИЙ БЛАГОДА́ТНЫХ ИСТОЧА́ЕШИ ОТ
НИ́Х НЕДУ́ЖНЫМ И ПОДВИЗА́ЕШИ ВЕ́РНЫЯ ВОПИ́ТИ ТЕБЕ́:

РА́ДУЙСЯ, ЗЕМНЫ́Й А́НГЕЛЕ И НЕБЕ́СНЫЙ ЧЕЛОВЕ́ЧЕ;

РА́ДУЙСЯ, БЕЗМЕ́ЗДНАГО ВРАЧЕВА́НИЯ ИСТО́ЧНИЧЕ.

РА́ДУЙСЯ, МИ́РА МНОГОЦЕЛЭ́БНАГО ПРЕИСПО́ЛНЕННЫЙ
ФИА́ЛО;

РА́ДУЙСЯ, ОТ РА́КИ ТВОЕЯ́ СВЯТЫ́Я ИСЦЕЛЭ́НИЯ ОБИ́ЛЬНО
ПОДАВАЯ́Й.

РА́ДУЙСЯ, СКОРБЯ́ЩИХ УТЕ́ШИТЕЛЮ;

РА́ДУЙСЯ, УНЫВА́ЮЩИХ ОБОДРИ́ТЕЛЮ.

РА́ДУЙСЯ, АГА́ПИТЕ, ДУШЕ́ВНЫХ И ТЕЛЕ́СНЫХ НЕДУ́ГОВ
СКО́РЫЙ ЦЕЛИ́ТЕЛЮ.

КОНДАК 12.

БЛАГОДАТЬ ГОСПОДНЮ ИСПРОСИ НАМ, ОТЧЕ АГАПИТЕ,
ПОЧИТАЮЩИМ С ЛЮБОВИЮ СВЯТУЮ ПАМЯТЬ ТВОЮ И
УСЕРДНО ПРИТЕКАЮЩИМ К ЧЕСТНЕЙ РАЦЕ МОЩЕЙ
ТВОИХ, ОТ НЕЯЖЕ ЧУДЕСНЫЯ ИСЦЕЛЕНИЯ ПОДАЕШИ
НЕДУЖНЫМ.

ТЕМЖЕ ТЕБЕ, ЧУДОТВОРЕНИЯ ДАРОМ ОТ БОГА
ПРОСЛАВЛЕННОМУ, ПРИЛЕЖНО МОЛИМСЯ: ИСЦЕЛИ
НАША НЕДУГИ ДУШЕВНЫЯ И ТЕЛЕСНЫЯ И ПОМОЗИ НАМ
ПРЕДСТАТЕЛЬСТВОМ ТВОИМ СПАСЕНИЕ ВЕЧНОЕ
ПОЛУЧИТИ, ДА ВКУПЕ С ТОБОЮ ВОСПОЕМ ДИВНОМУ ВО
СВЯТЫХ СВОИХ БОГУ: АЛЛИЛУИА.

ИКОС 12.

ПОЮЩЕ ПОДВИГИ ТВОЯ, БЛАЖЕННЕ ОТЧЕ, УБЛАЖАЕМ
РАВНОАНГЕЛЬСКОЕ ЖИТИЕ ТВОЕ, ДИВИМСЯ
ЧУДОТВОРЕНИЕМ ТВОИМ, МОЛИТВЕННО ПОЧИТАЕМ
СВЯТУЮ ПАМЯТЬ ТВОЮ И, ПРИПАДАЮЩЕ К РАЦЕ МОЩЕЙ
ТВОИХ, УМИЛЬНО ВЗЫВАЕМ:

РАДУЙСЯ, ПРЕСВЯТЫЯ БОГОРОДИЦЫ ДОСТОЙНЫЙ
МОЛИТВЕННИЧЕ;

РАДУЙСЯ, ПЕЩЕРОЖИТЕЛЕЙ СЛАВО И ПОХВАЛО.

РАДУЙСЯ, СВЯТЫЯ ОБИТЕЛИ ПЕЧЕРСКИЯ, ВКУПЕ С
АНТОНИЕМ И ФЕОДОСИЕМ, ПРИСНОЕ ОХРАНЕНИЕ;

РАДУЙСЯ, ПОДВИЗАЮЩИХСЯ В НЕЙ БЛАГОНАДЕЖНОЕ
ЗАСТУПЛЕНИЕ.

РАДУЙСЯ, ПРИХОДЯЩИХ В НЮ НА ПОКЛОНЕНИЕ БЛАГИЙ
ПРЕДСТАТЕЛЮ;

РАДУЙСЯ, ПОЧИТАЮЩИХ ПАМЯТЬ ТВОЮ НЕБЕСНЫЙ
ПОКРОВИТЕЛЮ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 13.

О, ПРЕБЛАЖЕННЕ ОТЧЕ АГАПИТЕ!
ТЫ – ГОРЕ НА НЕБЕСИ, МЫ ЖЕ – ДОЛУ НА ЗЕМЛИ,
УДАЛЕННЫЯ ОТ ТЕБЕ НЕ ТОЛИКО МЕСТОМ, КОЛИКО
ГРЕХОВНОЮ НЕЧИСТОТОЮ НАШЕЮ, ОБАЧЕ ДЕРЗАЕМ
ПРИНОСИТИ ТЕБЕ СИЕ МАЛОЕ ПОХВАЛЬНОЕ ПЕНИЕ,
ЕГОЖЕ МИЛОСТИВНО ПРИЕМ, МОЛИ ГОСПОДА И ВЛАДЫКУ
НАШЕГО ИЗБАВИТИ НАС ПОГИБЕЛИ ВЕЧНЫЯ И
СПОДОБИТИ БЛАЖЕНСТВА СВЯТЫХ, ВОПИЮЩИХ ЕМУ
БЫНУ ХВАЛЕБНУЮ ПЕСНЬ: АЛЛИЛУИА.

**ЭТОТ КОНДАК ЧИТАЕТСЯ ТРИЖДЫ, ЗАТЕМ ИКОС 1-Й И
КОНДАК 1-Й.**

ИКОС 1.

АНГЕЛОВ ЛЮБЕЗНУЮ ЧИСТОТУ ОТ ЮНОСТИ ТВОЕЯ
ВОЗЛЮБИВ, БЛАЖЕННЕ АГАПИТЕ, К ДОБРОДЕТЕЛЕЙ
ПОДВИЖНИКУ, ПРЕПОДОБНОМУ АНТОНИЮ ПРИТЕКЛ ЕСИ
И, ОТ НЕГО ВО ИНОЧЕСТВО ОБЛЕЧЕННЫЙ, ПОДРАЖАТЕЛЬ
РЕВНОСТНЫЙ ПОДВИГОВ ЕГО БЫЛ ЕСИ; ТЕМЖЕ СЛАВИМ
ТЯ ВОЗЗВАНИИ СИМИ:

РАДУЙСЯ, БОГОНОСНАГО АНТОНИЯ ДОБРОДЕТЕЛЕЙ И
ДАРОВ НАСЛЕДНИЧЕ; РАДУЙСЯ, НА ВЫСОТУ
СОВЕРШЕНСТВА ДУХОВНАГО ВОЗШЕДЫЙ.

РАДУЙСЯ, МОЛИТВАМИ УСЕРДНЫМИ ДАР ВРАЧЕВАНИЯ И
ЧУДОТВОРЕНИЯ ОТ ГОСПОДА ПОЛУЧИВЫЙ;

РАДУЙСЯ, ИЗ ГЛУБИНЫ ДУШИ ВОЗДЫХАНЬМИ ЧИСТОТУ
ДУШЕВНУЮ СТЯЖАВЫЙ.

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.

КОНДАК 1.

ИЗБРАННЫЙ УЧЕНИЧЕ ВЕЛИКАГО УЧИТЕЛЯ,
ПРЕПОДОБНАГО И БОГОНОСНАГО ОТЦА НАШЕГО
АНТОНΙΑ, И ДИВНЫЙ ПОДРАЖАТЕЛЮ ЖИТИЯ ЕГО
СВЯТАГО, СВЯТЕ ОТЧЕ АГАПИТЕ, ПЕСНИЮ ВОСХВАЛИМ ТЯ
С ЛЮБОВИЮ, ЗАСТУПНИКА НАШЕГО;
ТЫ ЖЕ, ЯКО ИМЕЯЙ ДЕРЗНОВЕНИЕ КО ГОСПОДУ, МОЛИСЯ
ВЫНУ О СПАСЕНИИ НАС, ГРЕШНЫХ, ОТ ВСЯКИХ БЕД
ИЗБАВЛЯЯ ЗОВУЩИХ ТИ:

РАДУЙСЯ, АГАПИТЕ, ДУШЕВНЫХ И ТЕЛЕСНЫХ НЕДУГОВ
СКОРЫЙ ЦЕЛИТЕЛЮ.



ИКОНА АГАПИТА ПЕЧЕРСКОГО